

蘭亭先生詩集

七八

番外書冊

			二六二五六號	和書門類
六册	一三架	六九函		

庫	文	閣	內	
二六函	三架	六册	二六二五六號	和書類

內閣文庫		
番號	和	26256
冊數		6 ( 5 )
函號	206	34




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





蘭亭先生詩集

卷之七

杵築山惟熊子祥

門人

勢南竹政辰子德全輯

東都谷友信文卿

言律詩

題龍谷大法主帖

西方梵閣五雲隈文采兼存白馬臺  
繡帙應憐懷素妙學書誰擬右軍才  
曇花欲落毫端動貝葉新題鳥跡開  
便向龍池堪洗墨帖成更捧夜珠來

蘭亭詩集

卷之七

七

寄題西湖侯望海樓

飛閣西環紫海開，層軒一望九州隈。  
鹿峯雲氣吞流動，鼇嶼潮聲捲雪來。  
誰更談天陪碣石，何須縮地問蓬萊。  
使君不獨觀濤壯，七發爭傳作賦才。

送堀大夫從肥後侯歸藩

熊幡龍節漢諸侯，萬里追隨更壯遊。  
躍馬朝辭江左道，揚帆晴渡鎮西舟。  
天迴滄海歸方岳，地擁風雲壓九州。  
君但登高能作賦，月明相憶武昌樓。

江樓避暑

層樓高拂大江煙，日暮新開避暑筵。  
縱酒重傳河朔飲，觀濤先就廣陵篇。  
鷁飛諸舫三叉水，龍俯雙橋二國天。  
莫怪登臨無苦熱，長風吹落海雲邊。

早秋集關伯元迎仙樓

紫府天清大火流，相迎鶴駕集仙樓。  
飛觴欲醉冰壺月，攀檻初憐玉樹秋。  
纔解人間三伏熱，還疑海外十洲遊。  
登臨此夕銀河出，何處乘槎犯斗牛。

送滕子常還西京

青袍十載入東關，重向長安萬里還。  
三輔晴雲迎白

馬五陵春色照紅顏樓臺映日南山下冠冕朝正北  
闕間聞道新豐多樂事淹留何更憶刀環

中秋海樓賞月

突兀飛樓月色高扶桑萬里望滔滔金波滄海秋懸  
鏡玉樹蓬萊夜駕鰲庾亮良宵携酒興元龍百尺坐  
臺豪人間總有登臨賞爭得驪珠照彩毫

遙題肥後侯濠濮亭

層城亭館靄沈沈玉樹千重映座深山抱晴雲迎染  
翰池通流水滌披襟比來濠濮常堪想弄罷禽魚更

會心誰識侯家幽勝好園中自不減華林

秋日臥病文卿過訪

八月園林葉未殘蕭條風雨草堂寒故人伏枕憐同  
病斗酒銜杯罄舊歡流水秋清蓮萼劍浮雲影靜鹿  
皮冠留君已有黃花發摘取聊供楚客餐

九日奉訪烏山侯云先侯忌日也悵然有作

佳節朱門問勝遊使君齋室著輕裘停杯已負登臺  
興隱几深悲落木秋依舊空餘叢菊淚至今長廢蓼  
莪愁誰知此日龍山宴千載風流總自休

雨中明月樓小集

搖落高樓對客開，一時詞賦入悲哉。  
西山寒雨當窻過，南浦秋陰擁檻來。  
明月人間遭按劍，浮雲海上妬銜杯。  
非關車馬泥塗苦，握手登臨醉幾回。

秋夜南陽公宅遲金峯西岡二公不至

華亭秋色鳳城前，秉燭相看翰墨筵。  
飛鳥仙鳧窺夜月，握蘭郎署隔雲煙。  
官橋雨歇明河出，上苑天晴列宿懸。  
他日風流期二妙，青樽携手重留連。

寄題源子操西山亭

曾卜幽居澗水間，誰憐憔悴楚臣顏。  
懸車自避風塵色，高枕空消日月閑。  
佩結芙蓉吟北渚，歌裁薇蕨對西山。  
臥遊只在浮雲外，何處群峯不可攀。

病懷

寥落林園日影曛，閉關何問世紛紛。  
病來高枕西山雪，老去銜杯大海雲。  
三徑蓬蒿堪浪跡，中原天地失論文。  
祇今郢曲無同調，容易陽春借客聞。

贈聞子德同城昭德韓大年汎舟遊海晏寺賦

贈

蘭亭詩集 卷之十  
海雲縹緲梵臺幽，詞客齊撓過碧流。大渚潮平青雀舫，諸天霜冷紫貂裘。非關支謝俱玄論，更伴羊何探勝遊。想道丹楓如疊錦，上方昏黑那須愁。

奉賀宇和島侯進階

茅土曾封南豫州，于今述職簇驂騑。朱轡自照周方伯，畫省誰如漢列侯。加爵新恩銜雨露，垂名舊史記春秋。風雲添得衣冠色，咫尺天門拜冕旒。

歲暮宇土侯凌霄閣遇雪

層閣高凌霄漢開，攀來抄歲此追陪。天寒欲下青金

帳，夜雪頻飛白玉杯。爭擬張燈歌郢調，還同侍宴在平臺。登臨已似春宵色，疑是看花免苑回。

新歲偶作

江天飛閣物華新，病起登臨著葛巾。萬里煙霞生碧海，中原雨雪滿青春。謝家芳草纔通夢，彭澤垂楊不負人。如此風光堪縱飲，笑他車馬走紅塵。

春日晴雪陪烏山侯

平臺積雪擁彫欄，玉樹新晴望裡寒。春色忽臨清酒落，瑤華猶映綺筵殘。梁園授簡誰能賦，郢調彈琴和

轉難月出雁池叨侍宴餘酣錯作剡溪看

送石由之遊浪華

海鄉都會見豪華萬里南遊白鼻騮幾處冰壺傾竹  
葉誰家主笛落梅花論文未向詞場盡結客還應俠  
窟誇二十四橋春色好莫將歸思滯天涯

春日明月樓集寄懷菊庵禪師臥病

樓上春雲海色開相逢江左鬪奇才誰知謝傅談玄  
處不見支公會彥來詞社投人明月滿禪關伏枕雨  
花催何當病起俱臨眺乘興飄然汎木杯

送利子攻歸鄉

誰言十載主恩多薄宦天涯奈別何春色還辭江左  
去浮雲猶傍海西過豐城萬里衝星劍郢國千秋和  
雪歌共歎文章元不利扁舟明日慎風波

上巳陪烏山侯值雷雨奉懷泉侯

池臺三日侍詞筵誰擬蘭亭脩禊年染翰風波吹碧  
草飛觴雷雨暗青天桃花欲拂春陰映柳色斜銜返  
照懸正憶斯遊同晉代風流恨少使君賢

答野孫叔見寄

蘭亭詩集卷之十一

翩翩錦字落平臺客自凌雲作賦才南海明珠生染翰  
西山白雪映銜杯宦遊千里交無恙病色中原老且哀  
今日玄關耽寂寞非君誰復問奇來

鴻臺覽古

赤壁高臨大渡開旌旗夾日據鴻臺天邊幕府連雲  
出海上戈船拂浪來戰苦英魂餘殺氣軍空臙血濺  
青苔荒墟轉作無人境薄暮鐘聲動客哀

侍醫數原君六十初度

杏林常對漢宮開中有真人白玉臺大藥元傳三世

術紅顏堪駐九霞杯共稱勾漏神仙令何異金門侍  
從才今日新携王烈杖鵷班朝罷步虛回

參議小倉公曾惠書及詩兼索拙稿罹疾久  
矣終無奉復頃因肥藩秋文學東遊復賜書

輒賦此奉答

有客西携尺素傳彩毫重憶漢宮賢長安冠冕元驕  
貴江左風流却轉憐天上曾投明月璧人間虛愧白  
雲篇病來只任潛夫老著論無心寄日邊

哭崎子允三首



蘭亭詩集 卷之十  
君家嘉樹忽凋傷曾賦甘棠更斷腸既自懸車辭世  
路于今製錦照疆場白駒過隙留空影明月連城失  
夜光在昔大夫揮筆處登高悵望淚沾裳

其二

十載朱門解組初浮雲高枕海南居終無病起觀濤  
賦更有名傳諫獵書死去偏悲空老驥恩深何必泣  
前魚銜冤欲盡鄒生恨五月飛霜滿太虛

其三

中原翰墨昔周旋藝苑論文二十年共惜青山埋玉

樹寧知流水絕朱絃只今藏壑舟安在空說凌雲賦  
更傳縱是招魂終不返為君聊誦楚臣篇

夏日陪肥後侯避暑東海寺

海上東林迸碧泉西方千騎報周旋衣冠欲解蓮花  
社翰墨爭酬栢樹篇秋近潮音生大渚雲蒸空界敞  
諸天清涼不覺能除熱錯作蘭臺侍宴筵

秋日新晴明月樓集

飛閣層陰萬里開乘秋詞客此徘徊長風驅雨潮流  
漲返照銜晴嶽色來龍氣人間携劍動仙槎海上犯

蘭亭詩集 卷之七

星回浮雲不妬登臨會明月三更滿酒杯

席上贈文卿

江湖十載避人深病客何妨更陸沈大海銜杯來爽  
氣中原伏枕壯秋陰一時誰問持螯興千里難論附  
驥心但為爾曹聽郢調祇今白雪許知音

奉壽泉侯四十初度

四十專城著錦袍蓬萊佳氣望滔滔朝天不改新華  
髮就日長懸舊彩毫更說謝家生玉樹兼看王母薦  
蟠桃趨庭欲作斑衣舞玄圃仙雲座上高

中秋獨酌

瑤霄縹緲海雲前病客登樓月可憐搗藥長生天上  
免開樽獨酌酒中仙潮驕島嶼秋陰合風起關山雨  
色懸半夜人間絃管絕驪龍猶未抱珠眠

九日山緒谷三子過飲明月樓送余遊鎌山

草堂

佳節城東對客秋黃花濁酒一登樓風塵欲別茱萸  
色丘壑誰從鹿豕遊多病青山堪自愛故人明月並  
相投行吟更赴湘南路錦樹清霜照旅裘

蘭亭詩集 卷之七

秋夜偶作

華髮青燈老轉愁不眠猶著弊貂裘  
銜杯影動西山月吹笛寒生大海秋  
天上客星晴自照關門真氣夜還浮  
行藏豈使時人識明日忘機弄白鷗

自遣

十載風塵伏枕過誰堪垂老易蹉跎  
曲中流水知音少世上浮雲側目多  
楚璧空懷三別淚漢關還憶五噫歌  
何當更問煙霞路初服裁來結薜蘿

送泉山人歸隱函嶺

天際西看玉笥山白雲高處振衣還  
思家舊熟青牛路去國何踰紫氣關  
頂置太湖寒雨過峯分雙黛夕陽閒  
况尋巖穴流仙液浴罷終應駐汝顏

寄子祥文卿兼柬君脩

中原年少日紛紛藝苑相期並有君  
伏枕此生拚謝客登樓三子許論文  
探珠欲照龍潭色聯璧雙懸鳳闕雲  
最說郢歌無和者陽春更屬楚臣聞

病中秋文學見過

蕭條伏枕廢銜杯空老風流作賦才  
但似相如愁四

壁那知枚叔出平臺因君忽起觀濤興念我誰憐病  
渴哀兜苑何當還值雪同時授簡共趨陪

寄井材菴

仙居近隔鳳城隈中有高林種杏開地類桃源間日  
月天通鳧舄謁蓬萊上池應試延年水三世還傳醫  
國才君自平生多異術海龍時復授方回

夜宴井氏墨水莊

蕭瑟林泉負郭莊扁舟繫纜墨河傍門通牛渚天如  
水窻對龍山月似霜客渡潮生侵倚檻漁歌夜發勸

飛觴相逢秉燭新知樂遮莫江雲促曉光

夜宿玉雲精舍值雨

空山金刹倚峒堯丈室傳燈照寂寥鹿苑黃花生白  
露鷲峯明月隱寒霄懸崖松檜秋風落暗穴龍蛇夜  
雨驕更聽泉聲清徹曉人間五濁愧難消

行經七里濱

東南大海接雲開流沫侵沙日夜迴濤勢蹴天飛似  
馬潮聲動地殷如雷驪龍窟抱明珠出仙女壇懸紫  
氣來七里灘頭饒釣叟千秋誰問子陵臺

題岳陽樓圖寄琵琶湖友人

乾坤寫出岳陽樓，開卷煙霞入臥遊。  
筆底忽吞雲夢氣，練光先動洞庭流。  
三湘明月臨吳滿，七澤青山接楚浮。  
君自琵琶湖上住，按圖爭照鏡中秋。

奉寄烏山侯戍衛浪華城

使君安在浪華城，幕府先分第一營。  
天定長無雲鳥陣，時平交護羽林兵。  
江南月抱彫弧滿，海上霞連畫戟明。  
暇日登臺梅更發，賦成千載憶王生。

病起登金龍山

錦林凋落出祠壇，病起憑高值歲闌。  
白馬波搖霜練色，金龍日抱彩霞寒。  
枕流堪自思孫楚，携妓還難擬謝安。  
便有酒樓仍廢飲，將因行藥躡層巒。

都門春望

都門曉望鬱葱哉，鳳闕高臨上苑開。  
碣石春雲連萬雉，扶桑旭日照三臺。  
驂騑影簇金羈度，鸚鵡班從紫陌回。  
曾自朝宗通碧海，于今王氣壯蓬萊。

病中答石子玉

春風高枕臥荒蕪，散髮蕭條一病夫。  
豈意雁池傳錦

札兼看兎苑贈明珠長裾何處青雲壯短褐空悲白日徂早晚相如堪起色王門握手醉冰壺

春日寓日某侯西莊

驪山別館玉為臺春色西園碧樹開浴鶴池將溪水潤尋芳徑夾野花栽煙霞常傍彫欄出丘壑斜當綺席迴如此風光堪寓目非關飛蓋更追陪

題桃源圖

夾水珠林畫裡齊卷中誰縮武陵溪避秦深隱靈源路入晉初知異代棲漁父舟尋丹洞繫桃花渡隔碧

流迷振衣欲逐餐霞侶何處仙蹤覓犬雞

三日墨水汎舟

芳渚春風墨水迴一樽三日汎波開相逢江左同舟侶不減山陰作賦才客渡桃花迎倚棹河隄柳絮逐流杯斯遊亦自成今古脩禊須傳我輩來

暮春雨中登樓集二首

層樓風雨惜春回檻外殘花滿紫苔湖海相逢堪下榻山河不邈一銜杯護洲流水樽前過鼇嶼浮雲座上來非為登臨多愛客何因華髮盡餘哀

其二

中原黯澹暮雲重，落日高樓客自從。  
南浦春陰生島嶼，西峯雨色暗芙蓉。  
開簾已見群芳歇，伏枕偏驚積翠濃。  
朋好非容吾輩傲，誰知湖海有元龍。

寄懷高翼之

十載論文興太豪，索居天地奈吾曹。  
誰憐春色嗟華髮，何處浮雲散彩毫。  
病客空懷雙白壁，故人無恙一綈袍。  
可知江左多群少，堪妬千秋郢調高。

送秋文學從肥後侯經岐岨歸藩

宦遊陪駕度嶢岬，吹笛關前道路難。  
急峽暝流纏客傳，萬峯空翠落征鞍。  
山迴雲棧蒼苔滑，水瀉仙巖碧澗寒。  
從此西歸藩服遠，海環重作九州看。

禪軾師至自東奧為贈

苾蒞金錫出東方，回首乾坤總幻鄉。  
不買青山輕去住，還應白足事津梁。  
緇經常轉蓮花色，題偈偏生栢樹光。  
剩是禪餘耽翰墨，何妨趺坐入詞場。

聞菊菴禪師移居寄訊

開士移居市井間，紅塵不敢犯禪關。  
窻臨下界煙霞

敞座逼諸天，日月閑元自。焚香觀綠水，何須遁跡買。  
青山春來花鳥耽，佳句幾處詩家更往還。

潮音閣避暑

南浦炎蒸積水開，空王殿閣迴崔嵬。竒峯欲湧旃檀  
海，大熱偏消兜率臺。天籟遙從星漢落，潮音忽捲雪  
山來。誰知今日登臨處，十地清涼瀉酒杯。

病中寄訊君脩臥疾

傲吏蕭條一敝廬，海南高枕近何如。愁多天地憐同  
病，老去風塵歎索居。免苑那須爲上客，王門不羨曳

長裾。遊梁縱爾觀濤起，消渴仍誇四壁虛。

病起

蕭疎華髮向江湖，病起投竿伴釣徒。片雨斜懸秋色  
過，浮雲不斷海天孤。忘機鷗鳥常來往，鼓枻漁翁竟  
有無。試濯塵纓悲自老，滄浪一曲獨踟蹰。

憶鎌山草堂

群峯高鎖草堂幽，臥病蕭然戀臥遊。石徑斜侵蒼蘚  
合，柴門不負碧溪流。白雲空夢山中色，明月相思海  
上秋。早晚南窻堪寄傲，黃花重破主人愁。



奉答泉侯聞病酒見贈

自廢銜杯久抱痾使君詞賦慰蹉跎三年總病中山  
酒萬古還高大雅歌青眼終無浮白飲玄經豈有問  
竒過何當更侍良宵宴明月梁園授簡多

即事

憶昔銜杯醉酒樓祇今漂泊不勝愁書成曾抱虞卿  
壁金盡誰憐季子裘霜雪催人雙鬢色江湖垂釣十  
年秋豪華一代看如夢莫怪忘機弄海鷗

病中寄大川禪師

必芻精舍舊相尋伏枕人間契濶深丈室秋風吹病  
骨少林明月照禪心山連大海窺空色潮響諸天轉  
梵音虛說江淹餘老筆夢中難和碧雲吟

送水藩醫官田子淹携家往鎌倉英勝寺給

事女公子

武庫山前玉女宮瑤池紺苑並玲瓏曳裾常映蓮花  
水授簡偏翻貝葉風丹竈煙臨鰲谷靜彩毫光動鶴  
陵通宦遊况復携妻子應與龐公採藥同

寄黃梅禪師

當年長者布金開衣鉢重看倚梵臺窟探藏經諳白  
馬山分半座照黃梅洞中鹿跡窺靈氣池底龍湫辨  
劫灰今日聞君多化度何時解縛上方回

送禪軾師還東奧

津梁歸去古祇林東望仙臺上界深表海金華雄嶽  
影彌天白石壯秋陰浮雲不繫三衣色長路其如一  
鉢心若得禪餘揮彩筆還從方外問知音

送子德還勢南

遊子紅塵駐馬蹄江城秋色惜分携桑溟波浪舩無

恙鈴嶂煙嵐路不迷千里懷人明月夢故園高枕白  
雲棲春來况有前期在應蹈王孫草又萋

中秋遣興

南樓寂寞倚雲孤月色蒼茫竟有無夜雨三更虛泣  
壁秋陰萬里暗投珠不驚烏鵲林中宿何處關山笛  
裡呼獨對青燈仍病酒淒其擁褐負冰壺

答山季和見寄

朱門邸舍鳳城前相憶裁書錦字傳上客梁園堪賦  
月何人碣石更談天詩名海內慚吾拙經術中原見

汝賢無那長卿消渴久茂陵高枕有誰憐

秋杪遊飛鳥山遂宿金輪寺

飛鳥山高倚太虛西原秋色接郊墟溪雲慘淡空潭  
靜徑樹參差墜葉疎霜落新碑寒草合林深古廟夕  
陽餘上方昏黑耽幽賞夜半聽鐘宿佛廬

送友人遊富嶽

突兀芙蓉壓駿州飛揚萬里望悠悠凌空欲蹈三峯  
雪絕頂遙臨大海流淵躍蒼龍朝紫極雲從玉女駐  
丹丘因風廣樂君須聽直叩天閭謁帝遊

奉寄壺山老侯

五馬中原舊自雄朝天已罷建章宮懸車豈戀青雲  
色解組逾傳白雪工高枕東山誰似謝開樽北海更  
稱融從今叢桂多秋興招隱還應共八公

秋雨有感

積雨空林木葉丹蕭條擁褐草堂寒何來秋色懸烏  
几不散浮雲傍鵝冠華髮常堪拚縱飲故人誰為問  
加餐祇今屈指交遊盡湖海猶餘一釣竿

寄文卿臥病

散髮蕭條抱膝眠中原詞社罷周旋但應沈約耽詩  
瘦誰爲陳琳草檄傳彩筆千秋交自許綈袍一日病  
相憐何因更釋窮愁恨無那吾曹伏枕偏

季秋望月

楓林蕭瑟露華涼重倚南樓木葉黃河漢三更天似  
水關山萬里月如霜人家寒動砧聲急海嶠雲晴雁  
影長猶有殘樽桑落酒敝裘憑几醉秋光

子德還鄉後有寄

裘馬風塵罷遠遊江城一別路悠悠浮雲萬里思歸

迴落月千山入夢愁紫氣西關何處度明珠南海自  
須求索居天末傳消息碣石冥鴻寄素秋

今治戾奉命戍衛浪華遣使上老戾七十

壽

嚴城重鎮五兵屯海晏無波戀大藩南極一星仙子  
老東方千騎使君尊趨庭難作萊衣舞授鉞深銜漢  
主恩幕府稱觴遙上壽菟裘何處臥丘園

寄平士騏

儒雅風流動海方朱門何客曳裾長驂騶展足千金

步蘭蕙生花大國香，郢調陽春彈綠綺。豐城紫氣照  
干將，祇今江左多才子。彩筆看君一擅場。

寄谷子啓

東都裘馬鬪豪華，憐爾耽書住狹斜。自避浮名違世  
路，還逢我輩戀煙霞。裁詩且對丹楓色，貫酒偏看紫  
菊花。但愛閉關甘寂寞，時時問字子雲家。

寄田子鳳曹子梁

層樓高擁大江前，攀檻爭開翰墨筵。巨海潮交三泖  
水，長橋星限二州天。論文聯壁青雲動，說劍雙龍紫

氣懸。若得扁舟乘月下，人言李郭是神仙。

病中得大川禪師答詩再寄

咫尺人間雁不迷，相傳錦翰照摩尼。無因伏枕乘籃  
輦，何處登廬問虎溪。臨海香煙秋色冷，凌虛塔影夕  
陽低。從君若許西來意，重見禪林栢樹齊。

答井子豐

中原病客久飄零，誰向滄浪問獨醒。絕調憐君傳白  
雪，閉關羞自懶玄經。詞塲明月披緘滿，澤畔秋風伏  
枕聽。莫道論文吾輩長，請看江上少微星。

答井材菴問疾

短髮蕭條歲月闌誰能相憶問加餐  
緇經猶未求仙術伏枕虛堪著鵝冠  
顧我偏投青玉案憑君欲服紫金丹  
縱令病起逢長至陽律難蘇老骨寒

謝原子才診病

曾開城北杏林居三世高名總不如  
丹竈寧求勾漏令青囊常閱越人書  
何堪伏枕悲垂老豈合懷仙問步虛  
此日非君醫國手茂陵消渴有誰除

歲暮過壺山老疾葆真居

中原歲晏偃園林誰識懸車隱更深  
病後冰霜侵伏枕生前杯酒老抽簪  
雁池翻轉觀魚興兔苑常通夢蝶心  
何必逃虛空谷裡朱門亦有白駒音

春夜同呂實夫青厚甫陪烏山侯

蓬萊闕北月華懸秉燭新年對綺筵  
四海論交迎二子中原高枕避群賢  
開樽夜醉金花酒染翰春生白雪篇  
最愛使君同病色何妨明日懶朝天

春日雪秋子成城昭德過訪明月樓

城東飛閣雪漫漫有客登臨並倚欄  
天暗金莖當座

失春生玉樹映簾寒廻舟興向山陰發和曲絃將郢  
調彈不啻凝華偏勸酒猶投明月照冰盤

千牛... 春... 蘭亭先生詩集卷之七

蘭亭先生詩集卷之八

杵築山惟熊子祥

門人勢南竹政辰子德全輯

東都谷友信文卿

七言律詩

懷海西秋文學

中原分手索居深極目風煙萬里心燕市悲歌仍擊  
筑蘭臺高宴定披襟海西魚素通來往天上文星照  
古今君自觀濤傳絕調相逢重聽廣陵琴

漫興

誰憐樗散老星霜病骨蕭條髮已蒼異代文章歸造化千秋丘壑問行藏登樓自傲元龍臥縱酒何妨阮籍狂白眼銜杯堪慢世不教時輩入山陽

雨中文卿昭德過明月樓得重字

層樓把酒此相逢風雨蒼茫日暮鐘不管路人歌誚鳳豈知門客問登龍蕭條伏枕春陰合偃蹇憑欄海氣重為汝便探明月壁暗投何必待先容

春晴壺山老疾過飲明月樓得過字

玄關春雨濕煙蘿豈意新晴載酒過投罷登樓明月滿坐來高枕落花多三杯且借烏皮几五馬還休白玉珂但說郢中同調少芙蓉雪色奈君何

暮春有感

蕭條寒食掩林扉驚見桃花帶雨飛病起銜杯堪潦倒老來欹枕惜芳菲風塵誰問雙蓬髮湖海猶餘一布衣不啻春光看欲盡十年天地故人稀

夏日集觀雪中山水圖

下榻相迎六月天開圖雨雪更翩翩瑤潭影逼凌風



座玉樹寒高避暑筵河朔欲催袁紹飲山陰恍出子猷船滿堂詞客忘三伏歌罷爭傳和郢篇

夏日雨陪壺山老疾遊牛頭寺

夏日追隨叩佛廬山中宰相挂冠初參禪共近金貌座聞法還論白馬書雨過犀淵懸化界潮生牛渚繞空居清涼為避人間熱乘興聊逃火宅車

夏日松山世子宴集懷君脩

公子西園翰墨筵芙蓉池上夏雲懸雄風忽自披襟起白雪還將絕調傳避暑相陪河朔飲觀濤應擬廣

陵篇何當更倚淮南桂招隱秋來好共憐

寄賀豐州土伯曄七十

真人何處住豐城誰辨猶龍紫氣明問道元傳三世術承恩豈羨五侯鯖中原白璧曾論價大海黃金已自成從是紅顏終不老重期上壽見長生

答東奧禪軾師見寄懷二首

飛來尺素自東方筆底銜花散幻鄉明月三秋懸夢想諸天萬里阻津梁山中卓錫堪觀世江左論文一擅場藝苑風流存舊好何時更見白毫光

其二

大士揮毫倚梵臺，禪餘詞賦為誰裁。人間尚戀登龍會，物外還憐愛馬才。身似浮雲多變態，心悲落日著寒灰。濯纓聊向滄浪水，惟待秋風送渡杯。

病中寄佛日庵恒嶽師

岑堯精舍鎖諸天，伏枕相思佛日懸。浮世塵容誰問疾，空山趺坐自逃禪。據梧雲隔龍花界，染翰秋高栢樹篇。丘壑探來疲濟勝，何當支許更論玄。

奉寄壺山老侯叡麓莊

神武當年早挂冠，中原秋色據梧看。門開三徑同蔣詡，地接東山似謝安。滄海雲迎詞翰白，赤城霞借酒杯丹。辭朝亦識朱絃絕，轉歎人間和者難。

答菊菴禪師見寄二首

赤城山下篠池陰，水繞香臺遁跡深。鏡裡蓮花元不染，庭前栢樹更傳心。諸天月出窺趺坐，上界風高入梵音。但說捨身觀物理，何須長者布黃金。

其二

莫怪空居接世塵，誰知天地本無倫。袈裟一代還如

幻翰墨千秋自有神總說浮生消白日何妨化界弄  
青春金猊時問維摩疾丈室談禪老轉親

歲晚過君脩宅

層樓握手歎蹉跎歲晚登臨興奈何落日遙銜山色  
照浮雲不斷海天多雙龍忽動衝星劍老驥空悲伏  
櫪歌莫道三餘看舊好論文轉惜白駒過

早春寄懷仙樓主人

春滿仙家白玉臺蓬萊佳氣鬱葱哉金莖露自青霄  
濕紫闕雲連碧樹開鳧舄步虛天路度鳳笙張樂日

邊催朝回應醉壺中酒何似人間栢葉杯

雪後寄肥藩米大夫二首

雪後春城積素開大夫延眺意悠哉朱門曳練明詞  
社嘉樹垂珠滉酒杯上國風雲高擁座中原寒色好  
登臺由來免苑鄒枚在已讓相如授簡才

其二

羔裘退食雪陰陰相國新開玉樹林檻外瑤華添製  
錦堂前春色映鳴琴懷人何處緜袍在駐馬還迷匹  
練深君自楚臣工作賦聊將郢調問知音

言集 卷之八  
奉慰宇士侯  
朱門春色暗庭闈太守招魂悵落暉青鳥終隨王母  
去彩衣空傍老萊非何圖永訣餘懷橘重感慈恩憶  
斷機唯有忘憂芳草綠北堂今日爲誰肥

奉寄壺山老侯

徵君隱几避風塵寄傲南窻著葛巾一臥煙霞消白  
日常逃丘壑弄青春朱絃按曲稱同調彩筆工文老  
斲輪但與吾曹堪玩世當時車馬豈相親

寄稷卿

折腰何必苦風塵吏隱閑居傍海濱老去詩名難混  
俗狂來酒態動調人青雲移舍仍彈鋏華髮銜恩自  
積新偃蹇看君逾慢世相逢俠骨向誰親

寄子祥

傲吏中原興太豪相逢意氣向誰高吾從滄海堪龍  
臥爾附青雲起鳳毛老去空懷和氏璧功成應佩呂  
虔刀只今江左多才子容易論交借彩毫

答劉文翼

東山憶昨接風流傾蓋相逢賦壯遊不爲陽春令客

和重將明月向人投浮雲握手交難定落日論文老  
自休儻過江湖君更問垂綸何必比羊裘

金龍山亭子望墨水

峇堯亭子坐江風萬里憑欄匹練通白馬潮分青翰  
舫金龍花滿藥珠宮二州洲渚綠芳甸半壁煙霞插  
碧空丘壑放情春色裡登臨誰與謝公同

送服大夫從白河侯歸藩

使君千騎出雄都從駕青雲傍宦途丹鳳城頭陪虎  
節白河關外躍驪駒封疆製錦多佳政詞賦登臺屬

大夫爲謂歸來勞問訊秋風重寄雁書無

中秋遊畫島賞月

鰲嶼東南縮地開海天秋色抱蓬萊探珠月湧驪龍  
窟懸鏡潮明玉女臺有客欲攀仙桂去何人更汎斗  
槎回今宵獨坐鼉磯上萬里觀濤酒一杯

寄利子攻

豐城家在斗牛邊萬里登臺限各天滄海携來龍劍  
氣風塵誰問鶡冠篇薄遊玩世浮雲外短髮論交落  
日前莫恨陽春無和者可能容易拂朱絃

冬日遊牛頭寺後千秋亭

牛頭寺後古祇林更上空亭避世音山抱霜楓懸佛  
日池開寒鏡滌塵襟論禪聊解醜醜味違俗還知夢  
幻心不為江淹傳彩筆千秋誰擬碧雲吟

僧房守歲

空門霜雪滿莓苔守歲還登古梵臺日月燈銜春色  
動菩提樹拂夜雲開聽經試問蓮花漏許酒先傳栢  
葉杯總說人間如夢幻諸天惜臘此徘徊

寄文卿二首

望湖城上碧天開才子登臨興壯哉王氣千年高夢  
澤雄風萬里滿蘭臺宦遊乘暇憐形勝侍宴銜恩醉  
酒杯憶爾江山常不厭秋來已起楚臣哀

其二

天涯薄宦主恩疎萬里思家歎索居梁苑曳裾曾作  
客齊門彈鋏竟無魚拂衣愁指風塵色隱几驚看歲  
月除暫向青雲稱避世不如高臥弄琴書

早春二首

層樓百尺睨人間偃蹇銜杯一解顏病起關門高紫

氣春來海上憶青山中原車馬誰相問三逕蓬蒿獨自閒試弄物華吟澤畔滄浪何處濯纓還

其二

新年岸幘一登亭黃鳥翩翩隱几聽孤嶼雲侵津樹碧三叉潮接海門青春分彭澤先生柳天濶桐江處士星此日揚雄甘寂寞閉關唯草太玄經

新晴

新晴病起強登臺纔值清風入快哉積翠遙連山色動竒峯忽傍海天開何愁五月披裘老空說千秋作

賦才已報人間河朔飲不如高臥獨銜杯

和子德贈子祥之作

吳門邸舍一登臨握手相看重古今傲吏風塵拚縱飲故人湖海問知音青雲不說彈冠會明月偏懸抱壁心江左能文誰得似彩毫爭照二龍吟

五日問文卿疾

蕭條佳節草堂貧此日榴花映葛巾伏枕仍憐長命縷停杯那似獨醒人滄浪一曲傳漁父詞賦千秋弔楚臣重更紅顏堪起色莫將憔悴歎風塵

為宇子迪寄壽太翁八十

扶桑佳氣滿朝陽  
白髮延年老海鄉  
鰲背三山常自坐  
仙方大藥未須嘗  
宦情寧暇趨庭日  
親舍遙傳陟岵章  
應念慈孫開宴處  
齊將萊舞勸飛觴

病中寄子德

杜門斜日滿蓬蒿  
病裡懷人命濁醪  
湖海久拚雙白髮  
風塵誰問舊綈袍  
黃金一諾論交重  
彩筆千秋攘臂高  
憔悴假令長伏枕  
因君更起廣陵濤

病中寄子祥

謝客柴門晝不開  
懶將潦倒倚江臺  
愁深病骨緣詩瘦  
老去雄心伏枕灰  
無那觀濤難自起  
如何草檄為余裁  
秋來已著悲哉賦  
遲爾同銜濁酒杯

五言絕句

折楊柳

垂楊復垂柳  
參差青江口  
攀折送君行  
春風吹滿手

長信草

春風長信草  
青青生輦道  
奉帚玉階前  
年年不可掃

惜花二首



簷外新梅樹東風繞綠萼不有吹笛人只是殘花落

其二

花開人不來花落人不識春風如有情吹送主人側

漢宮四時怨

何處轉羊車宮門玉樹斜春風吹不盡空唱後庭花

右春

為苦夏夜熱羅幙捲相見唯有螢火流飛入長門殿

右夏

一鎖西宮後沈沈秋夜長瑤階移步望明月在昭陽

右秋

碧瓦雪陰陰粧樓歲月深蛾眉雖自棄猶帶辟寒金

右冬

為高田侯題相思草

細剪黃金縷紛紛色自分欲醒楚王夢總作巫山雲

暮春

日日坐林中風來花作雪不知春色過但惜芳菲歇

聽歌

白玉樓中曲能停陌上車春風不隔意吹送後庭花

蘭亭詩集 卷之八

雨中憶懷仙樓主人

仙樓何處在秋雨渺相思恨隔浮雲色難攀月樹枝

過竹園精舍賞菊二首

秋色開初地霜華映梵臺翻憐龕下菊不待白衣來

其二

寂寞祇園裡秋芳滿數枝始知黃菊徑不讓白蓮池

巫山高

巫山十二峯陽臺渺何處不見夢中人雲雨自來去

墨水詞八首

浩浩大橋潮青青小橋柳應待渡江人扁舟繫得久

右楊柳橋

江天通古渡進艇絕中流不賴春風便東西到二州

右御厰渡

江上誰家女花潭媚春色曼聲顧周郎不為誤新曲

右花川戶

琪樹金龍頂仙臺倚紫清玉簫何處在空想鳳凰鳴

右金龍山

珠勒張郎馬大隄踏春草猶逐柳花飛直過章臺道

蘭亭詩集 卷之八 十二

右日本隄

公子墳前柳依依野水東猶餘舊時怨飛絮亂春風

寂寞牛頭寺

江雲鎖法堂空林人不到鳴磬送斜陽

橋北中郎廟前川

白鳥微欲尋千古跡不冝近舟飛

雨雪曲

八駿駐瑤池閨苑見飛雪已傳黃竹歌簫聲吹不歇

題畫

一片荆山石剖來生夜光可知三獻後明月照陵陽

又

片帆過清江雜樹連青嶺借問度橋人何處入佳境

宇土侯畫扇

扇面題蘭蕙清風入快哉休疑香欲動本自楚臺來

鎌倉雜詠二十首

憶昔鎌臺壯山河覽勝初祇今銷王氣猶似六朝餘

其二

其

其

其

鶴陵千載古華表臨海嶠請看赤欄橋依然應神廟

其三

霸業空三世城墟異昔時秋風吹不斷禾黍使人悲

其四

骨肉三朝盡司晨有牝鷄荒涼荆棘裡空見舊時棲

其五

試問舊歌臺美人安在哉猶疑風樹裡笙鼓送餘哀

其六

草暗無人境名藍跡已非只餘金色相大佛照斜暉

其七

古寺空山裡祇林阻海陰欲知觀世處日夜轉潮音

其八

古井寒無底井底見星燦不借天上槎低頭窺銀漢

其九

七里灘聲轉漁村抱沙磧海風吹常棣蕭牆似相鬪

其十

稻磯潮忽落戎馬踰乍鹵今無魚麗軍殘月低海浦

其十一

...

兵火焚臺殿移軍葛谷道豈意千餘人酣戰沒青草

其十二

鬱鬱荒原草無人訪古遊鬪鷄何處在好狗幾時休

其十三

夜渡青錢沒焉知滑水深自從傳炬索長照古人心

其十四

山中一片水誰洗寶刀回自斬英雄首餘流腥石苔

其十五

蒼崖樹自東赤壁天接北須知嶮路通不獨五丁力

其十六

天高武庫山上留旌竿跡但見白雲屯不見白旄色

其十七

老臣傾社稷九代稱盟主今日長蓬蒿不見黃金塢

其十八

帝子魂安在血痕濕空谷于今舊獄中風雨聽鬼哭

其十九

殺氣動西京山東大出兵將威新挾帝復據古關城

其二十

處處五山分，禪宮鎖白雲。入門尋幻跡，多見古碑文。  
 子德夜於書齋，聞犬吠，厭甚焉。賦此戲贈。  
 憶爾空齋裡，耽書落月低。夜深聞犬吠，應似白雲棲。  
 牛頭寺四勝  
 鹿苑空亭靜，佛日照幽趣。不是安禪棲，坐來有栢樹。  
 右千秋亭  
 寥濶臺前勝，諸天渺白雲。欲窺沙界色，山水幻中分。  
 右達觀臺  
 萬竿風竹徑，自絕世間音。不借蓮花淨，寒聲洒染心。

右脩竹徑

水黑香池底，潭影寒無熱。曾自制毒龍，何處藏明月。

右制龍池

戲題鸚鵡杯

有杯呼鸚鵡，飛時春酒流。借我能言語，欲吐萬古愁。

山莊摘菊花自戲

一徑黃花合秋芳，當晚餐低頭堪自摘。不待落英殘。

遊鎌倉觀平中將幽囚與美人對酌之杯，慨

然有懷古之感，率爾為賦。

言集 卷之八 十一

莫將古人杯能想古時宴縱壯英雄心淚濺美人面  
楊白花

夾岸垂楊樹江南三月別春風吹白花飛作誰家雪  
鎌山草堂五絕

結宇招提境山林避跡深松濤欹枕聽疑是送潮音  
右松濤館

閑園足午睡清風夢乍醒不見蕉中鹿但見蕉葉青  
右蕉鹿園

柴門懸薜荔翠蔓垂壁  
此中讀離騷山月窺人照

右薜荔門

步出蒼苔徑低頭汲井華不須勞抱甕直灌滿園花  
右灌花井

隔岸通蹊路橋橫碧溪曲下有亂石多清流漱鳴玉  
右漱玉橋

同菊菴禪師途中遇雨

逐錫遊方外層雲蔽落暉豈知花作雨分濕薜蘿衣  
鏡秀才貽凝露臺黑白二石賦此為謝二首  
忽見殊方石遙傳凝露臺玄珠將白玉分照掌中來

其二

西極天欲傾曾補五彩石君今拾餘物持贈玄與白  
秋日泉侯邸遊後園五首

其二

飛蓋過後園薜荔通幽處此日遊朱門錯作青桂侶  
翠葉連花圃金葩滿藥欄為憐陶令種不作楚人餐

其三

丹楓覆古井霞彩晚相鬪便掬一片泉碎金堪可漱

其四

落日幽篁裡青青照酒杯不知林下趣誰見玉山頽

其五

小亭移翠簾林木寒蕭索上有倚欄人長嘯弄秋色

夢後有感二首

舊侶空黃土孤眠只白頭不因今夜淚何夢昔年遊

其二

白首無相識青燈歎獨身更因今夜淚重夢昔年人

病中戲題

病懶無佳句花鳥應相笑為禁杯中物神助自覺少



艷曲引高歌時笑為禁林中醉相自覺少

春日照紅粧彈琴碧玉堂不教曼聲誤一曲顧周郎

相逢遊俠窟結客氣先存試脫吳鉤色猶餘舊血痕

勸酒賦題不因今身感同愛昔年

欲勸金花酒相看一舉杯莫辭長夜飲明月為君來

題李白圖寒蕭索土衣附人尋即弄煙

白髮三千丈秋霜照鏡新此長誰得似萬古謫仙人

題畫畫青碧林下賦題吳王山

翩翩雙燕子頡頏弄春暉斜入垂楊去翻銜落絮飛

又

閉門何處去但見芭蕉樹薄暮恐人攀片月來相護

又

敝廬身已老三徑絕人跡終日掩柴扉不肖掃蘿薜

為元老佐倉侯題圓硯勝明義以書鳴世侯

遣使者求遺物明義子淳德

玉斧鐫玄石金鑑如灑墨霜毫試一濡不減臨池色

三日飛鳥山獨酌二首

進圓硯侯感喜以備文房

十日

十一

十二

十三

十四

十五

三日山亭飲林花惜暮春碧流無限好恨少永和人  
其二

飛鳥山前水流觴人自稀風花空欲盡雪點暮春衣

病中五日

憔悴老江濱長絲傍葛中榴花滿樽酒惱殺獨醒人

江中八勝

城勢駕湖雲堞影落湖水中有望湖人應坐畫圖裡

右望湖城

萬頃琵琶水天開日夜流湖心涵月色枉殺洞庭秋

右琵琶湖

石鏡雲間出萬古照顏好試拂山中雲誰窺白頭老

右石鏡峯

長橋雲不斷千尺跨空潭龍臥蒼波上明珠何處探

右臥龍橋

繫纜投孤嶼秋高玉女臺夜深湖上月疑是弄珠來

右神女嶼

赤城萬餘仞群峯秋氣凜上有彩霞飛散作諸天錦

右天台山

落落孤松古枝橫湖水濱停撓見波底但有老龍鱗

右偃松磯

山寺白雲深祇林絕人跡老僧自鳴鐘餘響傳空谷

右園城寺

前有樽酒行

前有一樽酒沈醉猶未起醒時渴太多不漱滄浪水

題會稽圖

咫尺山陰道林巒媚水濱不知多應接但見鏡中人

聞鶯

碧窻垂柳樹上有黃鳥啼睨睨堪喚友只是守空閨

松山世子壁間子行畫竹

滿壁千竿竹中坐佳公子鬱翠生清風應似鳳笙起

蘭亭先生詩集卷之八

蘭亭先生詩集卷之八

Blank columns for text within the main frame.



